

**Siunnersuut uunga: Inuutissarsiutinik ilinniartitsinerit aamma inuutissarsiutinik ilinniartitsinerup iluani pikkorissaanerit pillugit Inatsisartut inatsisaat**

**Kapitali 1**

*Siunertaq*

**§ 1.** Naalakkersuisut inuutissarsiutinik ilinniartitsinernik inuutissarsiutinillu ilinniartitsinerup iluani pikkorissaanernik ataqtigiissakkanik aaqqissuussissapput, Inatsisartut inuutissarsiutinut suliffissaqartitsiniarnermullu politikkikkut anguniagaat naapertorlugit namminersortut pisortallu suliffissaqartitsiffii assigiinngitsut eqqarsaatigalugit.

*Imm. 2.* Ilinniartitsinernik aaqqissuussineq tamanna aaqqissuuneqassaaq annertunerpaamik makkununnga naapertuuttunngorlugu:

- 1) inuuusuttut ilinniarnissamut kaammattorneqarnissaat, aamma inuuusuttut inuutissarsiutinik ilinniagaqarumasut imaluunniit inuutissarsiutinik ilinniartitsinermut tunngasutigut pikkorisarumasut tamarmik piviusunik periarfissaqarnissaasa qularnaarnissaat aamma ilinniakkat pikkorissarnerilluunniit amerlanerusut akornanni toqqaasinnaanissaat,
- 2) inuuusuttunik siunissami sulillutik inuunissaannut, inuttut inerikkiartornissaannut aamma inuiaqatigiinnik ineriartornerannillu paasinninnissaannut tunngavissiisumik ilinniartitsinissaq,
- 3) suliffissaqartitsiffiit inuutissarsiutini sulianut tunngasutigut nalinginnaasumillu piginnaasariaqartutigut pisariaqariaqartitaasa piviusunngortinnissaat - inuutissarsiutitigut inuiaqatigiinnilu ineriartornermut naleqqiullugit, tamatumunnga ilanggullugit inuutissarsiuteqarnerup ilusiligaanermigut ineriartornera, suliffissaqartitsiniarnermi pissutsit ineriartornerat, suliffiit aaqqissugaanermikkut teknikkikkullu ineriartornerat aamma
- 4) ilinniartut Kalaallit Nunaanni avataanilu ilinniaqqinnissamut tunngavissinnissaat.

*Nassuaatit*

**§ 2.** Tunngaviusumik inuutissarsiutinik ilinniartitsineq tassaavoq paarlakaattumik ilinniarneq, sungiusarluni sulinerup ilinniarfimmiinnerullu paarlakaaffigisaat. Tunngaviusumik inuutissarsiutinik ilinniartitsinermut ilaapput tunngaviusumik atuartitsissutit, atuartitsissutit suliamut tunngasut, atuartitsissutit immikkut ittu aamma atuartitsissutit nammineq toqqagassaa-junnartut, piumasaqataallunilu lærlingitut imaluunniit ilinniartinneqarnissamik isumaqatigiis-suteqartoqarsimanissa, qinnuteqartoq atuaatigaluni sungiusartutut ilinnialersimanngippat, tak. § 10, imm. 4.

*Imm. 2.* Inuutissarsiutinik ilinniartitsinerit allat tassaapput ilinniakkat annerusumik inuutissarsiutinik ilinniarfimmi imaluunniit qitiusumik ilinniarfimmi, tak. kapitali 6, atuagarsornertut ingerlanneqartut. Ilinniakkani taamaattuni sungiusarluni sulinerit sivikinnerusut ilaatinneqarsinnaapput.

**§ 3.** Qitiusumik ilinniarfik, tak. kapitali 6, tassaavoq ilinniarfik killilinnik neqeroorutilik, taamaalilluni ilinniarfiup, Naalakkersuisut qitiusumik ilinniarfittut akuersissuteqarnerat tunngavigalugu, annermik neqeroorutigisarpai inuutissarsiutinik ilinniartitsinerit, sulianut aala-jangersimasunut attuumassuteqartut. Aammattaaq ulluinnarni aqtsineq forstanderimit, siuler-suisunut ilinniarfiup qullersarisaanut nalunaartartumit ingerlanneqarpoq.

*Imm. 2.* Inuutissarsiutinik ilinniarfik tassaavoq ilinniarfik tunngaviusumik inuutissarsiutinik ilinniartitsinermik neqeroorutilik, kisianni ulluinnarni aqtsineq rektorimit, centerlederimit asigisaanilluunniit, Namminersorlutik Oqartussani pisortatigut suliassaqarfimmut nalunaartartumit, ingerlanneqarpoq.

## **Kapitali 2**

*Inuutissarsiutinik ilinniartitsinerup aqunneqarnera*

### *Nalinginnaasut*

**§ 4.** Inuutissarsiutinik ilinniartitsinermut Naalakkersuisoq pisariaqartitsineq naapertorlugu siunnersuisartoqatigiinnik ataatsimiititalianillu pilersitsisinnavaoq, inuutissarsiutinik ilinniartitsinermut tamatumunngalu atatillugu suliffissaqartitsiffinni inuutissarsiutitigullu ineriartornermut tunngasunik suliaqartartussanik. Naalakkersuisut aalajangiussinnaavaat ataatsimiititaliaq, Inatsisartut inatsisaanni matumani qulequutanut aalajangersimasunut naleqqiullugu, aalajangiisinnaatitaassasoq.

*Imm. 2.* Naalakkersuisut siunnersuisartoqatigiit ataatsimiititaliallu pilersinnissaat, inuttaler-sugaanissaat suliassaallu pillugit malittarisassanik aalajangersaasinnaapput.

**§ 5.** Naalakkersuisut ilinniakkat nutaat pilersinnissaat akuerissavaat ilinniakkanillu atorun-naarsitsisinnatutik.

*Imm. 2.* Aammattaaq Naalakkersuisut qitiusumik ilinniarfiit inuutissarsiutinillu ilinniarfiit ilinniartitsinermut pilersaarutaat akuersissutigisassavaat, qitiusumik ilinniarfiit siulersuisusa aamma qitiusumik ataatsimiititaliat inassuteqareernerisigut, aamma qitiusumik ilinniarfinni ilinniakkanik akuersissutit tunuartissinnaavaat, qitiusumik ilinniarfiit siulersuisusa aamma qitiusumik ataatsimiititaliat inassuteqareernerisigut. Taamaattoq Naalakkersuisut qitiusumik ilinniarfiit siulersuisusa imaluunniit qitiusumik ataatsimiititaliat inassuteqarunnarnerat apeqquaatinngagu, ilinniartitsinermut pilersaarummik akuersissut tunuartissinnaavaat, ilinniagaq ilinniartitsinermut pilersarut naapertorlugu ingerlanneqanngippat imaluunniit ilinniakka-mi atugassarititaasut pingaruteqartutigut allanngorpata.

*Imm. 3.* Ilinniakkat akuerinissaannut piumasaavoq, ilinniartitsinermut pilersaarutit aamma ilinniakkap aaqqissugaanerata allaaserinera naammassisamik suliarineqareerlutik Naalakker-suisunit tiguneqarnissaat.

*Imm. 4.* Naalakkersuisut imm. 1 aamma 2-mi pissutsit, tassunga ilanngullugit ilinniartitsisut piginnaasariaqagaat, pillugit malittarisassanik aalajangersaasinnaapput.

**§ 6.** Naalakkersuisut ilinniakkat pillugit nalinginnaasunik aalajangersaasinnaapput.

*Imm. 2.* Naalakkersuisut inuutissarsiutinik ilinniartitsinermut tunngasut aqunneqarnerat pil-lugu malittarisassanik erseqqinnerusunik aalajangersaassapput, tassunga ilanngullugit siuler-suisuni ataatsimiititalianilu ilaasortat akissarsiaqartinnejarnerannut tunngasut.

*Imm. 3.* Naalakkersuisut ilinniakkat ataasiakkaat pillugit malittarisassanik aalajangersaasin-naapput. Inuutissarsiutinik ilinniarfiit ilinniartitsissutigisaasa ataasiakkaat imarisaat pillugit malittarisassat, qitiusumik ataatsimiititaliat inassuteqareernerisigut aalajangersarneqartassapp-put. Taamaattoq qitiusumik ilinniarfinni ilinniakkat ataasiakkaat imarisaat pillugit malitta-risassat aalajangersarneqartassapput qitiusumik ilinniarfiit siulersuisusa inassuteqareerneris-gut.

*Imm. 4.* Naalakkersuisut ilinniakkat ilinniartitsinerlu nakkutigissavaat, Inatsisartut inatsisaat manna, malittarisassallu taanna malillugu aalajangersarneqartut naapertorlugit.

## **Kapitali 3**

### *Ilinnialernissamut piumasaqaatit*

**§ 7.** Inuutissarsiuutinik ilinnialernissamut piumasaqaatit ilinniarfiit ilinniartitsinermut pilersaarsuaanni aalajangersarneqassapput, inuutissarsiuutinillu ilinniartitsinermut naalakkersusoqarfimmit akuerineqassallutik, taamaattoq tak. imm. 2-4.

*Imm. 2.* Ilinniartut qanoq piginnaasaqareerlutik toqqaannartumik inuutissarsiummik ilinnialersinnaanerat pillugu malittarisassanik Naalakkersuisut aalajangersasinnappaat.

*Imm. 3.* Kinaluunniit akuerisaasumik inuutissarsiummik ilinnialernissamut piareersaataasumik, naammaginartumik angusaqarluni ingerlatsisimasoq, tunngaviusumik inuutissarsiummik ilinnialersinnaavoq, taamaattoq tak. imm. 4 aamma § 9.

*Imm. 4.* Tunngaviusumik inuutissarsiuutinik ilinniartitsinerit ilaanni, ilinniartut ilinniartussat akuerisaannginnerminni, imaluunniit tunngaviusumik inuutissarsiummik ilinniakkap naanginnerata ilaatut, immikkut aaqqissuussamik ilinnialernissamut piareersaataasumik pikkorisnarnermi angusisimanissaat pillugu Naalakkersuisut aalajangersagaliorsinnaappaat.

*Imm. 5.* Naalakkersuisut inuutissarsiuutinik ilinniakkani allani ilinnialernissamut piumasaqaatit pillugit malittarisassanik aalajangersasinnappaat.

**§ 8.** Inuutissarsiuutinik ilinniarfiit aamma qitiusumik ilinniarfiit, inuutissarsiuutinik ilinniartitsinerit neqeroorutigisamik iluanni pisussaaffigaat, qinnuteqartut akuerisaanissamut piumasaqaatinik, tak. § 7, piviusunngortitsisut tamaasa ilinniartunngortissallugit, imaluunniit isumagissallugu inuutissarsiuutinik ilinniarfimmi qitiusumilluunniit ilinniarfimmi allami assinganik ilinniartitsiffiusumi ilinniartunngortinneqarnissat, taamaattoq tak. § 9.

*Imm. 2.* Kalaallit Nunaata avataani ilinniakkani ilinniartunngorsinnaaneq inuutissarsiuutinik ilinniartitsinermut naalakkersusoqarfimmit imaluunniit naalakkersusoqarfiup taamaaliornisamut pisinnaatitaanit aalajangerneqassaaq.

*Imm. 3.* Naalakkersuisut makku pillugit malittarisassaliorsinnaappaat

- 1) ilinniarfiit akunnerminni suleqatiginnerat,
- 2) ilinniarfinni ataasiakkaani ilinniakkat neqeroorutigineqarsinnaasut, aamma
- 3) ilinniarfiit arlallit assigiinnik ilinniagaqarfiusut akornanni ilinniartut agguaanneqarnerat.

*Imm. 4.* Qitiusumik ilinniarfinnut atatillugu pissutsit imm. 3-mi eqqaaneqartut ingerlanneqassapput qitiusumik ilinniarfiit siulersuisua inassuteqareernerisigut.

*Imm. 5.* Inuutissarsiuutinik ilinniarfinnut atatillugu pissutsit imm. 3-mi eqqaaneqartut ingerlanneqassapput qitiusumik ataatsimiititaliat inassuteqareernerisigut.

**§ 9.** Naalakkersuisut suliffissaqartitsiniarnermi periarfissat imaluunniit inissaqartitsinkut immikkut ittumik ajornartorsiutit tunngavigalugit, ilinniakkant ataasiakkaanut ilinniartunngortitsisinnaanermik killiliisunik malittarisassaliorsinnaappaat.

## **Kapitali 4**

### *Ilinniakkat ilusaat*

**§ 10.** Tunngaviusumik inuutissarsiuutinik ilinniartitsinerit paarlakaattumik ilinniarnertut aaqqissunneqassapput, ilinniarfimmiinnerit sungiusarlunilu sulinerit paarlakaattussanngorlugit. Ilinniarfimmiinnerit inuutissarsiuutinik ilinniarfinni aamma qitiusumik ilinniarfinni Naalakkersuisut akuerisaanni ingerlanneqassapput.

*Imm. 2.* Inuutissarsiuutinik ilinniartitsinerit allat nalinginnaasumik aaqqissunneqassapput atuagarsorluni ilinniarnertut, inuutissarsiuutinik ilinniarfinni aamma qitiusumik ilinniarfinni

Naalakkersuisut akuerisaanni ingerlanneqartutut. Ilinniakkat aaqqissuunneqarsinnaapput ataasiakkaanik sivikinnerusunik sungiusarluni sulinertalerlugin.

*Imm. 3.* Inuutissarsiutinik ilinniartitsinerit ilinniarfinni suliffeqarfinnilu allani ingerlanneqarnissaat Naalakkersuisut akuerisinjaavaat.

*Imm. 4.* Aaqqissuussisoqarsinnaavoq sungiusarluni linerit ilinniarfimmi ingerlanneqartus-sangorlugit (atuaatigaluni sungiusarneq). Tamanna pillugu Naalakkersuisut malittarisassanik aalajangersaasinjaapput.

**§ 11.** Qitiusumik ataatsimiitaliat imaluunniit qitiusumik ilinniarfiit siulersuisusa inassuteqareernerisigut Naalakkersuisut makku pillugit malittarisassat aalajangersarsinnaavaat:

1) ilinniakkani ataasiakkaani ilinniartitsinermut pilersaarummut sinaakkutissat, tassunga ilangullugit ilinniarnerup sivisussusia, ilusaa, atuartitsissutit katitigaanerat assersuutigalugu tunngaviusumik atuartitsissutinut, atuartitsissutinut suliamut tunngasunut immikkullu atuartitsis-sutinut il. il. naleqqiullugit, ilinniartunngorsinnaasut amerlassusissaat, sungiusarluni liner-mut atatillugu suliffeqarfinnit piumasaqaatit, nalilersuinermut pilersaarutit, suliffeqarfinni ilin-niartitsineq, suliffeqarfinnik akuersisarneq aamma

2) ilinniarfimmiilluni sungiusarlunilu sulilluni ilinniarnerit agguannerat, aamma inuit immikkut ilinniakkatigut sulinikkullu piginnaaneqareersut, ilinniakkat immikkoortuisa ilaannit sivikillisaanneqarsinnaanerat pillugu malittarisassat.

*Imm. 2.* Qitiusumik ataatsimiitaliat ilinniartunut inuutissarsiutinik ilinniarfimmiittunut naleqqiullugu, inuit immikkut ilinniakkatigut sulinikkullu piginnaasaqareersut, ilinniarfimmiin-nermik imaluunniit sungiusarlutik sulinermik ilaaniq sivikillisaanneqassanersut aalajangertas-savaat. Qitiusumik ilinniarfimmi ilinniartumut naleqqiullugu qitiusumik ilinniarfiup siulersu-iui aalajangiisuussapput, tak. § 36, imm. 3, nr. 5.

**§ 12.** Naalakkersuisut suliat imminnut assingusut iluanni ilinniakkat ataatsimoortissinnaavaat. Ilinniagaq suliat imminnut assingusut arlallit sularisartagaannit katitigaasinnaavoq.

**§ 13.** Ilinniakkat ataasiakkaat suliasartunut ingerlanneqartartunullu naleqqiullugu tamatigo-orluartumik aaqqissuunneqassapput, ilinniaqqinnissamut tunngavissaqarnissaq siunertaralugu, tassunga ilanngullugu ingerlaqqiffiusumik ilinniaqqissinnaanissaq.

**§ 14.** Qitiusumik ilinniarfinnut naleqqiullugu qitiusumillu ilinniarfiit siulersuisusa inassuteqareernerisigut, ilinniartut inuutissarsiutit ilinniakkaminnit aallartitaraluaminnit allaa-nerusumut, aamma ilinniakkamit suliamiilluunniit allamit, ikaarsaarnissaat siunertaralugit ta-pertaliussaasumik pikkorissaanernik aaqqissuussinerit akuersissutigisinjaavaat. Inuutissarsiutinik ilinniarfinnut tunngatillugu akuersineq pisassaaq qitiusumi ataatsimiitaliat inassuteqare-ernerisigut.

**§ 15.** Ilinniarfimmiinneq akeqanngilaq, taamaattoq tak. imm. 3-4 aamma § 16.

*Imm. 2.* Ilinniartitsinermut atortut nalinginnaasut ilinniartitsinermullu pisariaqartut, qitiusumik ilinniarfinnit aamma inuutissarsiutinik ilinniarfinnit akeqanngitsumik ilinniartunut atugas-sanngortinneqassapput, taamaattoq tak. imm. 3.

*Imm. 3.* Inuutissarsiutinik ilinniartitsinermut naalakkersuisoqarfip aalajangersinnaavaa ilin-niartut killilimmik namminneerlutik ilinniartitsinermi atortussat pissarsiariniassagaat.

*Imm. 4.* Qitiusumik ilinniarfiup imaluunniit inuutissarsiutinik ilinniarfiup § 10, imm. 3 naa-pertorlugu inuutissarsiutinik ilinniartitsinernik neqerooruteqartup, imm. 1-3-mi aalajangersak-kat apeqqutaatinnagit, ilinniarnermut peqataaneq il.il. akileqqusinjaavaa. Tamannali taamaalaat atuuppoq, ilinniarfik, tak. § 10, imm. 3, inuutissarsiutinik ilinniarfiit imaluunniit qitiusu-

mik ilinniarfiit akuerisaasut allat assingannik Namminersorlutik Oqartussanit tapiiffigi-neqartanngippat.

**§ 16.** § 15-imi aalajangersakkat apeqqutaatinnagit Naalakkersuisut immikut pisoqartillugu akuerisinnaavaat, aningaasartuutit namminersortut aningaasaliussaannit ilaatigut akilerneqas-sasut.

*Imm. 2.* Naalakkersuisut aningaasartuuteqartarnerit pillugit malittarisassanik erseqqinnerus-unik aalajangersaasinnaapput.

## **Kapitali 5** *Ilinniakkat imarisaat*

### *Ataatsimut aalajangersakkat*

**§ 17.** Ilinniakkat imarisaat, § 1, imm. 2-mi siunertat taaneqartut aamma malittarisassat §§ 5, imm. 4 aamma 6, imm. 1 aamma 3 tunngavigalugit aalajangersarneqartut mianeralugit aaqqis-suunneqassapput, sungiusarluni sulilluni ilinniarfimmillunilu ilinniarnerit ataqtigittunngor-lugit.

*Imm. 2.* Ilinniakkat imarisaat suliffeqarfifit maanna siunissamilu pisinnaasariaqartutigut pisariaqartitaannut naapertutissapput.

*Imm. 3.* Ilinniakkat imarisaat ilinniartut inuutissarsiummi suliamut tunngasutigut, ilinniarnissamut piareersimassutsikkut inuttullu piginnaasaannik inerisaaqataassapput, suliffeqarfifit pisariaqartitaannut, suliamut tunngatillugu nikeriarsinnaassuseqarnermut aamma ilinniartup atuagarsornikkut suliamullu tunngasutigut pisariaqartitaanut naleqqiullugit. Ammattaaq ilin-niakkat imarisamikkut ilinniartup nammineerluni isummersinnaanissaanut, suleqateqarnissa-anut attaveqaateqarsinnaanissaanullu peqataassapput aamma suliamut tunngasutigut inooqatigi-issutsikkullu ajornartorsiutinik qaangiiniarsinnaassuseqarnermik, aallarnisaasinnaassuseqar-nermik, eqaassuseqassutsimik aamma pitsaassutsimik malussarsinnaassuseqarnermik siuar-saassallutik.

*Imm. 4.* Naalakkersuisut imm. 1-3-mi pissutsit pillugit malittarisassanik erseqqinnerusunik aalajangersaasinnaapput.

**§ 18.** Ilinniakkat ersarinnerusumik imarisaat, ilinniarfiit siulersuisua qitiusumillu ataatsi-miititaliat ilinniartitsinermut pilersaarusaiaanni Naalakkersuisunut nassiunneqartuni ersissap-put.

*Imm. 2.* Naalakkersuisut ilinniakkat imarisaat pillugit malittarisassanik aalajangersaasin-naapput.

### *Ilinniarfimmii ilinniarneq*

**§ 19.** Ilinniarfimmilluni ilinniarnerup ingerlanerani tamarmi ilinniarneq ataatsimoortumik isiginneriaaseqarluni tigussaasunik atuagarsornernillu ilaqtarinneqassaaq, ilinniartut nalingin-naasunik immikkullu ittunik piginnaanngorsarnissaat siunertaralugu, tamatumunnga ilanggul-lugit:

1) ilinniartut sulianik, ilinniakkat siunnerfigisaannik, isumaginninnissamut tunngavississallu-git, tassungalu atatillugu teknologii naapertuttoq pillugu pisariaqartutigut ilisimasaqalersis-sallugit atuisinnaalersissallugillu,

- 2) ilinniartut namminneerlutik aamma ilinniaqqinnerit ilinniagaqaqqinnerillu aqutigalugit pi-ginnaasaminnik annertusaanissaannut tunngavississallugit, tassunga ilanggullugit ilinnia-qaqqinnissamut tunngavissiinerit,
- 3) ilinniartut inuttut inerikkiartornerannut peqataanissaq aamma
- 4) ilinniartut inuiaqatigiit ineriartornerallu pillugit paasinnilersissallugit, annermik suliffeqar-fiit sulisullu nalinginnaasumik inuutissarsiornikkut inuiaqatigiinnullu atatillugu inissisimane-rat pillugu aamma suliffissaqartitsiniarnermi pissutsit suliffinnilu avatangiisinut tunngasut pil-lugit paasinnilersissallugit.

**§ 20.** Ilinniartitsinerup aaqqissuunnerani ilinniartut atugarisaat aallaavigineqassapput, angu-niarneqassaarlu ilinniartut ataasiakkaat piginnaasaat aallaavigalugit ilinniartitsinissaq, ilinni-artut piginnaariigaasa soqutigisaasalu aallaaviginerisa nassatarisaat.

*Imm. 2.* Ilinniartut ilinniakkamik inuutissarsiummillu toqqaanissaq pillugu ilitsorsorneqar-nissamik neqeroorfigineqassapput. Tamanna pillugu Naalakkersuisut malittarisassanik er-seqqinnerusunik aalajangersaasinnaapput.

**§ 21.** Ilinniartitsineq nalinginnaasumik aaqqissuunneqassaaq, ilinniarfimmieinnermi siullermi imaluunniit ilinniarfinniinnerni siullerni qulequttat ilinniakkani tamani ataatsimoorussaasut ilaatinneqarlutik, taamaalillunilu ilinniarfimmieinnerit sinnerini suliamut atatillugu immikkut piginnaanngorsarneq ingerlanneqarluni.

**§ 22.** Naalakkersuisut atuartitsissutit siunertaat, imarisaat, ilitsersuutaasumik ilinniarnermut piffissaliussassat aamma naliliinermi piumasaqaataasussat pillugit malittarisassanik aalaja-nersaasinnaapput.

**§ 23.** Atuartitsissutinut tunngaviusunut ilaapput tigussaasumik atuagarsorlunilu ilinniartitsi-neq, inuutissarsiutinik ilinniartitsinerit suliamut tunngasutigut tamatigoortuunissaannut peqa-taasut. Ilutigisaanik tunngaviusumik atuartitsissutit siunertaraat inuttut inerikkiartornerup siu-arsarnissaa, ilinniarnermik piginnaanngorsaaqataanissaq aamma inuiaqatigiinnik inuiaqatigiil-lu ineriartornerannik paasititsinissaq.

*Imm. 2.* Suliamut atatillugu atuartitsissutinut ilaapput tigussaasumik atuagarsorlunilu ilinni-artsineq, ilinniakkamut pineqartumut immikkut attuumassutilik, nalinginnaasumik immik-kuullarissumillu ilinniartumik piginnaaneqalersitsiffiusoq.

*Imm. 3.* Atuartitsissutinut immikkut ittunut ilaapput inuutissarsiummik ilinniarnermi suli-amut tunngatillugu killifimmi qaffasinnerpaami tigussaasumik atuagarsorlunilu ilinniartitsi-nerit, ilinniakkami immikkullarissutaasut, ilinniartullu inuutissarsiummi immikkut ittumik piginnaaneqalissutigisai, ilinniartut atuartitsissutinik immikkut ittunik, ilinniakkami pineqartu-mi akuerisaasut akornanniittunik, toqqaassapput.

**§ 24.** Atuartitsissutit toqqagassat ilinniartup soqutigisaanut naapertuitissapput. Ajornartin-nagu atuartitsissutit ilinniagaqaqqinnissamut aamma ilinniagaqaqqiffinni ilinnialernissamut pingaaruteqartut neqeroorutigineqassapput. Aammattaaq atuartitsissutit toqqagassat ilinniak-kap nalinginnaasumik killifianut nallersuussinnaasut neqeroorutigineqarsinnaapput, sumiif-finno aalajangersimasuni piginnaasatigut pisariaqartitsinerit suliffissatullu periarfissat eqqa-saatigalugit.

*Sungiusarluni sulilluni ilinniarneq*

**§ 25.** Ilanniartut sungiusarlutik sulinerat suliffeqarfimmi ataatsimi arlalinniluunniit pissaaq, taakkualu qitiusumik ilinniarfiit siulersuisuunit imaluunniit inuutissarsiuutinik ilinniarfiit qitiusumik ataatsimiititaliaannit akuerisaassapput.

*Imm. 2.* Tunngaviusumik inuutissarsiuutinik ilinniartitsinermi ilinniartoq suliffeqarfillu lær-lingitut imaluunniit ilinniartinneqarnissamik isumaqtigisummik atsioqatigisapput. Inuutissarsiuutinik ilinniartitsinerni allani sungiusarluni sulinissamik isumaqtigitoqassaaq, sungiusarluni sulisarnissat ilinniarnermut ilaappata. Sungiusarluni sulineq tamarmi ilaaluunniit atuaatigaluni sungiusarnertut pisinnaavoq, tak. § 10, imm. 4.

*Imm. 3.* Qitiusumik ataatsimiititaliat aalajangertassavaat, inuutissarsiummik ilinniarfinni ilinniartut sungiusarlutik sulinerat nunani allani sulinertut ingerlanneqartoq, imm. 1 aamma 2 naapertorlugu sungiusarluni sulinermut nallersuunneqarsinnaanersoq. Qitiusumik ilinniarfinni qitiusumik ilinniarfiup siulersuisui aalajangiisuussapput.

**§ 26.** Inuutissarsiuutinik ilinniarfinnut naleqqiullugu sungiusarluni sulilluni ilinniarneq ingerlanneqassaaq, inuutissarsiuutinik ilinniarfiit - qitiusumik ataatsimiititaliat aalajangersagaat naapertorlugit - sungiusarluni sulinermut pilersaarutit nalinginnaasut aalajangersagaat naapertorlugit. Qitiusumik ilinniarfinnut tunngatillugu sungiusarluni sulilluni ilinniarneq ingerlanneqassaaq, aalajangersakkat qitiusumik ilinniarfiup siulersuisuisa aalajangersagaat naapertorlugit, tak. § 36, imm. 2.

*Imm. 2.* Sungiusarluni sulinermut pilersaarutini allassimassapput ilinniakkap anguniagai, taakkualu tunngavigalugit suliffissat suliassallu sungiusarluni sulinerup ilagisassai allaaserineqarlutik. Sungiusarluni sulinermut pilersaarutit imaqartinneqassapput, ilinniarfimmiilluni ilinniarneq sungiusarlunilu sulineq siunertamut naapertuuttumik tapertariissinnaanngorlugit. Taakku ilinniarfiup, ilinniartup suliffeqarfillu akornanni attaveqatigittarneq pillugu malittarisassanik imaqassapput.

*Imm. 3.* Sungiusarluni sulilluni ilinniarneq pillugu Naalakkersuisut malittarisassanik er-seqqinnerusunik aalajangersaasinnaapput.

#### *Ilinniartunik naliliinerit, misilitsinnerit aamma svendinngussalluni misilitsinnerit*

**§ 27.** Ilanniartut ilinniakkap naamassineranut uppernarsaammik pissapput, tassunga ilangullugit ilinniarfimmiilluni ilinniarsimaneq naamassisaaq aamma sungiusarluni sulilluni ilinniarneq naamassisaaq pillugit uppernarsaatit. Ilanniartut ilinniarnerminnik unitsitsisut, ilinniakkap ilaanut naamassisaminnut uppernarsaammik pinissartik pisinnaatitaaffigaat.

*Imm. 2.* Ilinniakkani ataasiakkaani ilinniartut soraarummeertarnerat aamma ilinniarnerup ingerlanerani nalilerneqartarnerat pisassaaq, naliliinissamik pilersaarut naapertorlugu. Qitiusumik ilinniarfiit svendinngussalluni misilitsinnerujunnartut pillugit tunaartarisassiaat, inuutissarsiuutinik ilinniarfinni naliliinissamik pilersaarummut ilaatinneqassapput. Qitiusumik ilinniarfinni siulersuisut svendinngussalluni misilitsinnerujunnartunut tunaartarisassiaat naliliinissamik pilersaarummut ilaassapput.

*Imm. 3.* Qitiusumik ataatsimiititaliat inuutissarsiuutinik ilinniarfimmut naleqqiullugu aalajangersinnaavaat, sungiusarluni sulilluni ilinniarneq svendinngussalluni misilitsinnermik inaareqassasoq. Ilinniakkanut qitiusumik ilinniarfinnut attuumassuteqartunut naleqqiullugu, qitiusumik ilinniarfiup siulersuisuisa aalajangersinnaavaat, sungiusarluni sulilluni ilinniarneq svendinngussalluni misilitsinnermik inaareqassasoq, tak. § 36, imm. 3, nr. 4.

*Imm. 4.* Naalakkersuisut naliliinissamik pilersaarutit pillugit nalinginnaasunik malittarisassorsinnaapput aammalu uppernarsaatit, tassunga ilangullugit uppernarsaatit ilusaat atuuttuulersinnissaallu, pillugit malittarisassiorsinnaallutik.

## Kapitali 6

## *Qitiusumik ilinniarfiit*

### *Siunertaq suliassallu*

**§ 28.** Qitiusumik ilinniarfiit, tak. § 3, imm. 1, suliassaraat, inuutissarsiuutnik ilinniartitsiner-  
nik neqerooruteqarnissaq, tak. § 2, siunertat § 1-imi taaneqartut aallaavigalugit, aamma inuu-  
tissarsiuutitigut suliffissaqartitsiniarnikkullu politikkeqarnermut atatillugu ilinniartitsinertigut  
suliniutinik inerisaanermut peqataanissaq.

*Imm. 2.* Aammattaaq qitiusumik ilinniarfiit, Naalakkersuisut akuersereernerisigut, ilinniar-  
nertuunngorniarluni ilinniakkaniq neqerooruteqarsinnaapput, tamanna pillugu malittarisassat  
atuuttut naapertorlugit.

*Imm. 3.* Aammattaaq qitiusumik ilinniarfiit siunertaannut ilaapput ilinniartitsinermut atatil-  
lugu allaffissornikkut suliassat erseqqinnerusumik aalajangersaaffigineqartut suliariinissaat.

*Imm. 4.* Aammattaaq qitiusumik ilinniarfiit Naalakkersuisut akuersereernerisigut ilinni-  
artunut inissaqartitsinermik ingerlatsisinnaapput, ilinniartunut inissiat pillugit Namminersor-  
nerullutik Oqartussat nalunaarutaat naapertorlugu.

*Imm. 5.* Immikkut pisoqartillugu Naalakkersuisut qitiusumik ilinniarfiit peqqusinnaavaat  
ilinniakkamik aalajangersimasumik neqerooruteqaqqullugit.

**§ 29.** Qitiusumik ilinniarfiit ilinniartitsinernut atasumik, tak. § 28, imm. 1, allanik suliaqar-  
sinnaapput, ilinniarfiup inuutissarsiuutnik ilinniartitsinermut atasumik, suliamut tunngatillugu  
sammisaasartunik immikkut ilisimasaasa atorluarnissaat siunertaralugu, tassunga ilanngullugu  
siunnersuinernik sullissinernillu allanik akilerneqartussanik neqerooruteqarneq.

*Imm. 2.* Qitiusumik ilinniarfiit allatigut ingerlatsinerat unammilleqatigiinnermi atugassariti-  
taasartut naapertorlugit ingerlanneqassaaq. Qitiusumik ilinniarfiit pikkorissaanernik ingerlata-  
nillu allanik isertitsiffusussatut neqerooruteqarnerminni, nittarsaassinermi pissuserissaarnertut  
ileqqusut malissavaat, allanillu akitigut unammillernermik kusanangngitsumik atugaqalersit-  
sissanatik.

*Imm. 3.* Naalakkersuisut qitiusumik ilinniarfiit allatigut ingerlatsinerat pillugu malittarisas-  
sanik aalajangersaasinjaapput, tamatumunnga ilanngullugit allatigut ingerlatsinissamut killi-  
lersuutit amerlanerit.

**§ 30.** Qitiusumik ilinniarfiit ingerlatsinerisa annertussusissaat suussusissaallu angusaqarnis-  
samik isumaqatigiissutini erseqqinnerusumik aalajangersarneqassapput, inuutissarsiuutnik ilin-  
niartitsinermut naalakkersuisoqarfiup ilinniarfillu siulersuisua akornanni ukiut sisamakkaar-  
lugit isumaqatigiissutigineqartutigut, taamaattoq siullermik 1. januar 2011-miit 31. december  
2013-imut. Angusaqarnissamik isumaqatigiissutit ukiut tamaasa naleqqussarneqartassapput.

*Imm. 2.* Angusaqarnissamik isumaqatigiissutit minnerpaamik makkunangna imaqassapput:

1) Ilinniarfiup suliassaa.

2) Ilinniarfiup takorluugaa.

3) Ilinniarfiup periusissai pingaarcerit.

4) Qitiusumik ilinniarfiup ingerlatsineranut pilersaarut, ilinniakkant atatillugu suliniuteqar-  
fissanik naammassisassatullu anguniakkanik, aamma misileraalluni sulinermi inerisaanermilu  
suliniuteqarfissanik naammassisassatullu anguniakkanik, aamma ilinniarfiup allatigut ingerla-  
taanut atatillugu suliniuteqarfissanik naammassisassatullu anguniakkanik ilaqtarinneqartoq,  
tak. § 29.

5) Aningaasaliissuteqartarnermut tunngasut pingaarcerit.

*Imm. 3.* Ilinniarfiup ukiumut aningaasaliiffusumut ingerlatsinissamik pilersaarutaa, ilinni-  
arfiup missingersersuusiaani ilinniartitsinermut aningaasaliinissamut tunngaviusussaqq, a-ngus-

aqarnissamik isumaqatigiissummut ilanngunneqassaaq, isumaqatigiissutip atsiorneranut ukiu-moortumillu naleqqussarneranut atatillugu.

*Imm. 4.* Qitiusumik ilinniarfiit ataasiakkaat angusaqarnissamik isumaqatigiissutip piviusun-  
ngortinnera pillugu nalunaarummik ukiumoortumik suliaqartassapput, Naalakkersuisunut nas-  
siunneqartumik. Nalunaarusiapi nassiunnissaanut piffissaliussaq kingulleq isumaqatigiissummi  
isumaqatigiissutigineqassaaq.

*Imm. 5.* Naalakkersuisut angusaqarnissamik isumaqatigiissutip imarisassai pillugit malitta-  
risassanik erseqqinnerusunik aalajangersaasinnaapput, tamatumunnga ilanngullugit ukiumo-  
ortumik nalunaarusiat nassiunnissaannut isumaqatigiissutillu ukiumoortumik naleqqussarnis-  
saannut piffissaliussat, aamma angusaqarnissamik isumaqatigiissutit piviusunngortinnerat pil-  
lugu nalunaarusiortarneq.

### *Aaqqissugaaneq*

**§ 31.** Kalaallit Nunaanni qitiusumik ilinniarfiit tassaapput pisortat suliffeqarfutaat nammim-  
nersortut.

*Imm. 2.* Suliffeqarfiiit ingerlatsinerat pillugu aalajangiinerit, allaffissornikkut pisortaqarfim-  
mut allamut saqqummiunneqarsinnaanngillat, taamaattoq tak. imm. 3 aamma § 45.

*Imm. 3.* Imm. 2-mi aalajangersakkat apeqquaatinngagit, suliffeqarfiiit ilinniartumut naleqqiul-  
lugu aalajangiineri, ilinniartumit Naalakkersuisunut maalaarutigineqarsinnaapput. Tamannali  
suliamut attuumassuteqartut pillugit aalajangiinernut atuutinngilaq.

**§ 32.** Qitiusumik ilinniarfik, tak. § 31, imm. 1, qitiusumik ilinniarfimmik allamik ataatsimik  
amerlanernilluunniit isumaqateqareernerermigut, allaffissornikkut suliassanik erseqqinnerusu-  
mik isumaqatigiissutigineqartunik qitiusumik ilinniarfiit pineqartut sinnerlugit isumaginnissin-  
naavoq.

*Imm. 2.* Naalakkersuisut imm. 1 malillugu allaffissornikkut ataatsimoorfiiit pillugit malitta-  
risassanik erseqqinnerusunik aalajangersaasinnaapput.

**§ 33.** Qitiusumik ilinniarfiit siulersuisusa inassuteqareernerisigut, tak. §§ 34 aamma 35,  
Naalakkersuisut akuerisinnaavaat, ilinniarfiit marluk amerlanerilluunniit suliffeqarfittut ataasi-  
innanngorlutik katigunnissaat, Inatsisartullu inatsisaat naapertorlugu iliniakkanik neqero-  
ortartussatut akuerisaanissaat. Taamaattoq Naalakkersuisut pissutsit immikkut ittut taamaalio-  
rnissaq illorsorneqarsinnaatippassuk, tamatumunnga ilanngullugit pissutsit ilinniartitsinikkut  
politikkimut, suliffissaqartitsiniarnermut, aningaasaqarnermut nunallu immikkoortuinut tun-  
ngasut, qitiusumik ilinniarfiit siulersuisuniit inassuteqaatit apeqquaatinngagit, katigutsitsinis-  
saq pillugu aalajangiisinjaapput, imaluunniit aalajangiullugu ilinniarfiit marluk amerlaneril-  
luunniit ataasiinnarmik siulersisoqarlutik aqunneqassasut. Katigutsitsinermi ilinniarfik ataa-  
seq amerlanerilluunniit atorunnaarsinneqassapput, taakkualu ingerlatsinerat ilinniarfimmut in-  
gerlaannartumut tunniunneqassalluni.

*Imm. 2.* Naalakkersuisut imm. 1 naapertorlugu katigutsitsinerit pillugit malittarisassanik ers-  
arinnerusunik aalajangersaasinnaapput.

*Imm. 3.* Naalakkersuisut siulersuisut inassuteqareernerisigut akuerisinnaavaat, suliffeqarfiiup  
avinneqarnerermigut pigisaminik akitsuminilluunniit tamanik, taakkualuunniit ilaannik qitiusu-  
mi ilinniarfimmut allamut ataatsimut amerlanernulluunniit tunniussinissaa.

**§ 34.** Qitiusumik ilinniarfiit, tak. § 31, imm. 1, tamarmik immikkut siulersuisunit 5-7-inik  
ilaasortalinnit aqtarineqassapput, taakkualu suliffissaqartitsinermi kattuffiit akornannit  
toqqarneqartassapput, malittarisassat ilinniarfiit ataasiakkaat ileqqoreqqusaanni aalajangersar-  
neqartut naapertorlugit. Qitiusumik iliniarfiiit ilinniartitsisui aamma teknikkikkut allaffissor-

nikkullu sulisui, siulersuisuni taaseqataasinnaatitaanngitsumik sinniseqartitsissapput. Taa-mattoq qitiusumik ilinniarfik ataasiinnaanngitsumik, sumiiffinnili arlalinni neqerooruteqartarpal, neqerooruteqartarfinnit tamanit sulisut sinnisaannik aalajangeeqataasinnaanani peqataasartussamik siulersuisut ilaqtinnejassapput. Siulersuisunut ilaasortaq siulersuisunut marlunnik amerlanerusunut toqqarneqarsinnaangilaq. Katiguttoqartillugu, tak. § 33, ilinniarfiit katiguttut siulersuisui piffissami ikaarsaariarfimmi, katiguttoqarnissaanik aalajangiisoqarneraniit ukioq ataaseq tikillugu sivisussusilimmi ingerlagallarsinnaapput, tamatuma kingorna ilinniarfiit katiguttut siulersuisussaannik nutaanik toqqaasoqassaqaq, tak. naggat siulleq. Piffissami ikaarsaariarfiusumi ilinniarfiit katiguttut siulersuisui ilinniarfimmur katigutsitsinikkut pilersinneqartumut nutaanik ileqqoreqqusaliorlutilu ulluinnarni suleriaasissaliussapput.

*Imm. 2.* Siulersuisunut ilaasortat qitiusumik ilinniarfiup suliamigut susassaqarfinut suliffisaqartitsiffinnullu ilinniarfiup naleqquffiinut attuumassuteqassapput. Siulersuisut ataatsimoorlutik ilinniartitsinikkut inerisaaneq, pitsaassutsimik qularnaarineq, aqutsineq, aaqqissugaaneq aningaasaqarnerlu ilisimasaqarfigissavaat, taakkununnga ilanngullugit missingersersuutinik naatsorsuutinillu naliliinerit aamma inuutissarsiutinik ilinniartitsinermi pitsaassutsimik ilisi-masaqarneq.

*Imm. 3.* Inuutissarsiutinik qitiusumillu ilinniarfinni allani atorfekartut aamma Inatsisartuni kommunalbestyrelsiniuunniit ilaasortat siulersuisunut ilaasortaasinnaangillat.

*Imm. 4.* Siulersuisut akunnerminni siulittaasumik siulittaasullu tullianik toqqaassapput.

*Imm. 5.* Ilasortat ukiuni 4-ni atasussatut toqqarneqartassapput, siullermik 1. januar 2011-miit 1. september 2013-imut. Ilasortat toqqarneqaqqissinnaapput. Toqqagaaffiup iluani Naalakkersuisut siulersuisunut ilaasortaq siulersuisutut akisussaaffimminik annertuumik sumignaasoq, allatulluunniit siulersuisutut sulinissaminut naapertuittingitsumik iliuuseqartoq soraarsissinnaavaat.

*Imm. 6.* Siulersuisunut ilaasortaq ilaasortaanissamut aalajangersakkanik piviusunngortitsisimnaajunnaaruni ingerlaannaq siulersuisunit tunuassaaq. Kattuffik toqqaasinnaatitaasoq piaarnerpaamik ilaasortassamik nutaamik toqqaassaaq, tak. imm. 1.

*Imm. 7.* Naalakkersuisut siulersuisunut ilaasortat akissaateqartinnissaat aamma siulersuisunut ilaasortat aningaasartuutaannik, ilaatigut angalanernut, nerisaqarnermut ineqarnermullu, matussusiisarnissaq pillugu malittarisassanik aalajangersasinnapput.

**§ 35.** Siulersuisut qitiusumik ilinniarfiup qullersaasutut oqartussarai ilinniarfiullu ingerlaneranut qullersaasumik akisussaallutik, ilinniarfiup suliamut tunngasutigut aningaasaqarnikkullu ingerlassai ilanngullugit, aamma ilinniarfiup pigisai aqutarissavaat ilinniarfiup siunertaa-nut annertunerpaamik iluaqtaasussanngorlugit. Aammattaaq siulersuisut akisussaaffigaat, aalajangersakkat ilinniarfiup ingerlatsineranut atuuttut maleruarneqarnissaat, ilinniarfiullu inger-latsinera tamaat angusaqarnissamillu isumaqatigiissutip piviusunngortinnissaa akisussaaffiga-lugu. Siulersuisut ulluinnarni ilinniartitsineq sunniuteqarfigissangilaat. Siulersuisut suleriaasissartik namminneq aalajangersassavaat.

*Imm. 2.* Siulersuisut ilinniarfiup ingerlatsineranut pingarnerusutigut tunaartarisassaliussapp-put, tamatumunnga ilanngullugit ilinniakkanut taakkununngalu attuumassumik ingerlassanut anguniakkat periusissallu.

*Imm. 3.* Siulersuisut suliniutigissavaat, ilinniarfiup sapingisamik annertunerpaamik, ilinniartut aamma suliffeqarfiit inuutissarsiutinik ilinniagaqarnissamik pisariaqartitaannik innimi-ginnilluni, ingerlatsisarnissa, tamatumunnga ilanngullugit ilinniaqqinnerit ingerlaqqiffius-millu ilinniarnerit. Ilinniarfiup forstanderiata inassuteqareerneratigut, siulersuisut ilinniarfiup ilinniakkanik piginnaasaqalerfiusunik neqeroorutai aamma allatigut ilinniartitsinermik aaqqis-suussinernik aallartitsinissai aamma isertitsiffiusunik ingerlatsinermut tunngasut, kiisalu i-ngerlassat naapertuuttut allat pillugit aalajangiisassapput.

*Imm. 4.* Ilinniarfiup forstanderiata inassuteqareerneratigut, ilinniarfiup ingerlatsinissaanut ukiumoortumik pilersaarut siulersuisut aalajangersartassavaat.

*Imm. 5.* Siulersuisut ilinniarfiup forstanderianik atorfinititsillutilu soraarsitsisarput, taa-mattoq tak. § 65. Forstanderi naapertuuttumik inuutissarsiutitigut misilittagaqassaaq naa-pertuuttumillu ilinniakkamigut tunuliaqutaqassalluni. Naalakkersuisut forstanderinik atorfinit-sitsisarneq pillugu malittarisassanik aalajangersaasinnaapput.

*Imm. 6.* Siulersuisut forstanderip ingerlatsinissaar pillugu erseqqinnerusunik tunaartarisassa-liorsinnaapput, aamma forstanderi pisinnaatissinnaavaat erseqqinnerusumik annertussusilikka-mik siulersuisut pisinnaatitaaffiinik ingerlatsisinnaatillugu.

*Imm. 7.* Naalakkersuisut ilinniarfiit ataasiakkaat ileqqoreqqusaat akuerissavaat, taanna siu-lersuisunit suliarineqassaaq inuutissarsiutinik ilinniartitsinermut naalakkersuisoqarfiup tama-nut atuuttumik ileqqoreqqusaliaa naapertorlugu.

**§ 36.** Siulersuisut Naalakkersuisunut ilinniakkat suliamut attuumassuteqartuunerat akisus-saaffigaat, tassunga ilanngullugit ilinniakkat imarisaat, ilinniakkat nutaat aallartinnissaat aam-ma ilinniartitsinermut attuumassuteqartutigut suliassanut atatillugu ataatsimiititaliaajunnartu-nik pilersitsinissaq, tak. imm. 4.

*Imm. 2.* Siulersuisut akisussaaffigaat ilinniakkat ataasiakkaarlugit ilinniartitsinermut piler-saarusiornissaat, tak. § 5, imm. 2, sungiusarluni sulinermut pilersaarutinik nalinginnaasunik aalajangersaanissaq, jf. § 26, imm. 1, naggat kingulleq, aamma svendinngussalluni misilitsin-nerujunnartunut tunaartarisassanik aalajangersaanissaq, tak. § 27, imm. 2, naggat kingulleq.

*Imm. 3.* Siulersuisut makku pillugit aalajangiisassapput:

- 1) Suliffeqarfiit sungiusarluni suliffisatut akuersissutigineri, tak. § 25, imm. 1.
- 2) Sungiusarluni sulinermi ilinniartinneqarnerup, sungiusarluni sulilluni ilinniarnermut pilersaaruutit aalajangersarneqartunut qanoq naapertuutsiginera, tak. § 26.
- 3) Nunani allani sulisimanerup akuersissutiginera, tak. § 25, imm. 3, naggatit aappaat.
- 4) Svendinngussalluni misilitsinnerit ingerlanneri, tak. § 27, imm. 3, naggatit aappaat.
- 5) Ilinniareersimasat ilinniakkamut allamut nuussinnaanerinik aamma piffissap ilinniarfiup sivikillinissaanik sivitsornissaanilluunniit aamma ilinniartut ilinniagaq suliarluunniit alla tunn-gavigalugu ilinniarfimmiinnissaminnik sungiusarlutilluunniit sulillutik ilinniarnerminnik si-vikillisaanneqarsinnaanerannik akuersinerit, tak. § 11, imm. 2, naggatit aappaat, § 52, § 53, imm. 3, naggatit aappaat aamma § 54.
- 6) Ilinniartup sungiusarlunilu suliffiup akornanni isumaqtigijiinngissutit, tak. § 58, imm. 2.

*Imm. 4.* Siulersuisut ataatsimik amerlanernilluunniit ilinniartitsinermut ataatsimiititaliorsin-naapput, tassunga ilanngullugit ilinniartitsinermut ataatsimiititaliaagallartartussat, ilinniakkat suliamut tunngatillugu imarisaat aamma pitsaassutsikkut killiffii aamma ilinniakkat suliffeqar-fiit pisariaqartitaannut politikkikkullu anguniakkanut naleqqiullugu qanoq naapertuutsiginerat pillugit siunnersuisarnissaq siunertaralugu.

**§ 37.** Siulersuisut qitiusumik ilinniarfiup ingerlatsinera Naalakkersuisunut akisussaaffigaat, tassunga ilanngullugit aningaasatigut sillimmatinik ingerlatsineq. Siulersuisut aningaasartuu-tissat isertitassallu missingersuusiornерат akuersissutigisarpaat, tak. § 41, tassunga ilanngullu-git - forstanderip inassuteqareerneratigut - aningaasat agguannerat, atornissaannullu tunnga-vissat. Siulersuisut naatsorsuutit atsiussavaat, tak. § 42.

*Imm. 2.* Siulersuisut Naalakkersuisut pissutsinik erseqqinnerusumik taaneqartunik iluarse-equsinerat maleruanngippassuk, Naalakkersuisut aalajangiussinnaavaat,

- 1) siulersuisut suliassaat taakkualuunniit ilaat piffissap ilaani inunnit Naalakkersuisunit toqqarneqartunit isumagineqassasut, imaluunniit
- 2) ilinniarfiup siulersuisui tunuassasut, taamaallunilu siulersuisut nutaat § 34-mi malitta-riassat naapertorlugin toqqarneqassasut.

*Imm.* 3. Siulersuisut aalajanngiinermikkut ilinniarfiup ingerlaannarnissa ulorianartorsiortilerpassuk, Naalakkersuisut aalajangiussinnaavaat siulersuisut ingerlaannaq tunuassasut, tamatumunngalu atatillugu siulersuisuugallartussanik ivertitsisinnaallutik, § 34 naapertorlugu siulersuisunik nutaanik toqqaasoqarnissaata tungaanut. Siulersuisunut tunuartunut ilaasortat toqqaqqinnejarsinnaanngillat.

**§ 38.** Qitiusumik ilinniarfiup forstanderiata ulluinnarni ilinniartitsineq perorsaanermullu tunngasut akisussaaffigai aammalu ulluinnarni ilinniarfimmi allaffissornikkut aningaasaqarnikkullu aqutsineq isumagissallugu. Qitiusumik ilinniarfiup forstanderiata nakkutigissavaa:

- 1) Ilinniakkat malittarisassat atuuttut naapertorlugit ingerlanneqarnerat.
- 2) Ilinniartitsinermi pissutsit isumannaatsunissaat.
- 3) Missingersersuutit siulersuisunit akuerineqartut maleruarneqarnissaat.
- 4) Ilinniarfiup allatigut ingerlatsinerata siulersuisut aalajangiussaat tunaartarisassiaallu naapertorlugit pinera.

*Imm.* 2. Forstanderi qitiusumik ilinniarfiup ukiumi aggersumi pilersaarutissaanik siulersuisunut siunnersuusiussaaq.

*Imm.* 3. Qitiusumik ilinniarfiup forstanderia ilinniarfiup sulisuinik atorfinititsisuullunilu soraarsitsisarpoq, tassunga ilanngullugit ilinniarfiup pisortai allat.

*Imm.* 4. Forstanderip aningaasartutissanik isertitassanillu missingersuutissat naatsorsuutillu siulersuisunut inassuteqaatigisassavai naatsorsuutillu atsiussallugit.

**§ 39.** Atorfinititsinermi atugassarititaasunut atorfinititsinernullu tunngatillugu allatigut, atorfegarnerup nalaani soraarsitsinermilu pissutsinut tunngatillugu, qitiusumik ilinniarfiit pisussaaffigaat, aalajangersakkat Namminersorlutik Oqartussani atorfegartunut qaqugukkuluunniit atuuttut maleruarnissaat.

#### *Qitiusumik ilinniarfiit aningaasalersugaanerat*

**§ 40.** Qitiusumik ilinniarfiit ingerlatsinerat Nunatta karsia aqqutigalugu tapiissutitigut aamma allatigut ingerlatsinermit isertitatigut aningaasalersorneqassaaq, isertitaqarfiusumik ingerlatsinerit ilanngullugit.

*Imm.* 2. Nunatta karsianit ukiumoortumik tapiissutit, ukiumut aningaasaliiffiusumut tullermut aningaasanut inatsisip akuersissutigineqarneranut atatillugu Inatsisartut aalajangertassaavat.

**§ 41.** Ukiut tamaasa ukiumi aningaasaliiffiusumi tullermi aningaasartutissat isertitassallu missingersuusiorerannut siunnersuut, Naalakkersuisut piffissaliussaat sioqqullugu, siulersuisut Naalakkersuisunut saqqummiuttassavaat. Siunnersuutip imarissavai isertitassatut, ingerlatsinermut aningaasartutissatut sanaartornermullu aningaasartutissatut ilimagisanut missingersersuutit. Ilutigisaanik siulersuisut Nunatta karsiata ukiumi aningaasaliiffiusumi tullermi tapiissutaasa annertussusissaattut siunnersuut saqqummiutissavaat.

*Imm.* 2. Siulersuisut aningaasartutissatut isertitassatullu siunnersuutip tamarmiusup ilaatut, ilinniarfiup allatigut ingerlatsineranut immikkut missingersersuut saqqummiutissavaat, tamatumunnga ilanngullugit allatigut ingerlatat ataasiakkaat immikkut missingersersuutaat.

**§ 42.** Qitiusumik ilinniarfiit naatsorsuuserinermut ukioraat ukioq aningaasaliiffusoq. Qitiusumik ilinniarfiit aalajangersakkat missingersuusiorneq, naatsorsuuserineq naatsorsuutinilu saqqummiineq pillugit Namminersorlutik Oqartussanut qaqugukkulluunniit atuuttut maleruassavaat.

*Imm.* 2. Naatsorsuutit imarissavaat qitiusumik ilinniarfiup ilinniartitsinermik ingerlatsinera-nut aamma allatigut ingerlatsineranut immikkut naatsorsuutit, allatigut ingerlatat ataasiakkaat pillugit immikkut naatsorsuutit ilanngullugit.

*Imm.* 3. Qitiusumik ilinniarfiit ilinniartitsinermik ingerlatsinerisa allatigullu ingerlatsinerisa immikkoortinnejarlutik missingersersuusiorneqartarnissaat naatsorsuusiorneqartarnissaallu pillugit malittarisassanik Naalakkersuisut aalajangersaasinnaapput.

*Imm.* 4. Qitiusumik ilinniarfiit ilinniarfiup ingerlatsinerani sinneqartooraajunnartunik ima-luunniit amigartooraajunnartunik ukiumut aningaasaliiffimmut tullermut nuussisinnaapput.

*Imm.* 5. Ukiumoortumik naatsorsuutit Namminersorlutik Oqartussat kukkunersiuisunit kuk-kunersiorneqartassapput.

*Imm.* 6. Naalakkersuisut piffissaliussaat nallertinnagu siulersuisut ukiumoortumik naatsor-suutit akuerisatik Naalakkersuisunut akuerisassatut saqqummiutissavaat.

*Imm.* 7. Naatsorsuutit Naalakkersuisunut saqqummiunnerat ilutigalugu siulersuisut naatsor-suutit tamanut saqqummiutissavaat.

## Kapitali 7

*Sungiusarluni suliffiit*

**§ 43.** Inuutissarsiutinik qitiusumillu ilinniarfiit sungiusarluni suliffissat isumagissavaat, ilin-niarfiillu pisussaaffigivaat namminneq orniguttarlutik ingerlatsinissartik, sungiusarluni sulif-fissanik pissarsiniarnissaq siunertaralugu.

*Imm.* 2. Naalakkersuisut inuutissarsiutinik ilinniarfinnut naleqqiullugu, qitiusumik ataatsimii-titaliat inassuteqareernerisigut, suleqatigiinnissamik paasissutissiarnissamillu aaqqissuussi-nerit pillugit malittarisassanik aalajangersaasinnaapput, sungiusarluni suliffissat naammattut pissarsiarineqarnissaat siunertaralugu. Qitiusumik ilinniarfinnut tunngatillugu malittarisassat qitiusumik ilinniarfiit siulersuisuinit aalajangersarneqassapput.

**§ 44.** Qitiusumik ilinniarfiit siulersuisusa imaluunniit inuutissarsiutinik ilinniarfiit qitiusu-mik ataatsimiititaliaasa suliffeqarfik sungiusarluni suliffissat akuerissavaat, suliffeqarfip, sungiusarluni sulinermut pilersaarutit § 26-mi eqqaaneqartut naapertorlugit, sungiusarluni sulilluni ilinniarnermik naammassinnissinnaameranik, aamma suliffeqarfip ilinniartunut nam-maginartunik, ilinniarneranni atugassaqarttisissinnaassusaanik naliliinerit aallaavigalugit.

*Imm.* 2. Naalakkersuisut inuutissarsiutinik qitiusumillu ilinniarfinnit inassuteqartoqareerne-risigut, akuersissuteqarniarluni suliassat suliarinissaat pillugit malittarisassanik aalajangersaa-sinnaapput, taakkununnga ilanngullugit suliad suliarinissaannut piffissaliussat pillugit malitta-risassat.

**§ 45.** § 44 aamma § 25, imm 1 naapertorlugit suliffeqarfip sungiusarluni suliffittut akueri-neqarsinnaannginneranik aalajangiinerit, Naalakkersuisunut saqqummiunneqarsinnaapput.

## Kapitali 8

*Ilinniartunut inatsisitigut pissutsit*

**§ 46.** Tunngaviusumik inuutissarsiummik ilinniagaq naammassineqassappat piumasaavoq, ilinniartup aamma suliffeqarfip ataatsip amerlanerilluunniit akornanni lærlingitut imaluunniit ilinniartinnejarnissamik isumaqatigiissuteqartoqarsimanissa. Isumaqatigiisummut ilaassap-put ilinniakkami sungiusarluni sulinissat ilinniarfimmiittarnissallu tamarmik, tassunga ilan-ngullugit svendingngussalluni misilitsinnerujunnarnerit.

*Imm.* 2. Suliffeqarfiiit arlallit isumaqatigiisummut peqataappata, isumaqatigiisummi ersis-saaq, ilinniarfimmiinnerit sungiusarlunilu sulinerit suut suliffeqarfiiit ataasiakkaat peqataaffigineraat.

*Imm.* 3. Isumaqatigiinnermi suliffeqarfik imminut pisussaaffilersinnaavoq, ilinniartup ilinniarnerata ilaa suliffeqarfimmi allami ingerlatsikkumallugu.

*Imm.* 4. Inuutissarsiuutnik ilinniartitsinerit Naalakkersuisunit akuerisaasut, lærlingitut ilinniartinneqarnissamilluunniit isumaqatigiisusuteqarnissamik piumasaqaateqarfisunngitsut aamma atuaatigaluni sungiusarluni sulineq, imm. 1-3-mi ilaatinneqanngillat.

**§ 47.** Ilinniarnerup naammassinissaanut piumasaqaataavoq, ilinniartup ilinniarfimmi ilinniartitsinermut peqataanissaa, ilinniarfiup pineqartup, ilinniarnermut malittarisassat naapertorlugin aalajangersagai malillugit.

*Imm.* 2. Naalakkersuisut ilinniartunik ilinniarfimmut aggersaanermi periusissat pillugit malittarisassanik aalajangersaasinjaapput.

**§ 48.** Ilinniartut ilinniarfimmi ilinniartitsinermut takkutinngitsoortut imaluunniit ilinniarfiup pissuserissaarnissamik malittarisassaanik annertuumik unioqqutitsisut, annikinnerusumik kinguneqartumik iliuuserineqarsinnaasut iluaqtaanngitsumik atorneqareersimappata, ilinniartitsinermut ilaataitaajunnaarsinneqarsinnaapput. Ilinniartitsinermut ilaataitaajunnaarnissaq ilinniarfiup forstanderianit, rektorimit, centerlederimit assigisaanilluunniit aalajangiunneqassaaq.

*Imm.* 2. Naalakkersuisut pinngitsoorani takkuttussaaneq aamma ilinniartitsinermut ilaataitaajunnaarsinnaaneq tamatumani lu suliat suliarineqartarnissaat pillugit malittarisassanik erseqinnerusunik aalajangersaasinjaapput.

**§ 49.** Lærlingitut aamma ilinniartinneqarnissamik isumaqatigiissutit allaganngorlugit suli-aassapput, kingusinnerpaamillu isumaqatigiissutip atuutilernerani atsiorneqarsimassallutik. Isumaqatigiisusuteqarnermi immersugassaaq, inuutissarsiummik qitiusumilluunniit ilinniarfimmut pineqartumut kattuffinnullu naapertuuttunut tusarniaareernikkut Naalakkersuisunit akue-rineqartoq, atorneqassaaq.

*Imm.* 2. Naalakkersuisut akuersiteeqaartinnagit immersugassap isumaqatigiinnermut atatil-lugu imarisai allanngorneqarsinnaanngillat ilaneqarsinnaanatillu.

*Imm.* 3. Lærlingitut ilinniartinneqarnissamillu isumaqatigiisummi ilinniartup sungiusarluni sulinermi nalaani akissarsiaissai allassimassapput.

*Imm.* 4. Naalakkersuisut lærlingitut ilinniartinneqarnissamillu isumaqatigiissutip imarisassai nalunaarsornissaalu pillugit malittarisassanik erseqqinnerusunik aalajangersaasinjaapput.

**§ 50.** Inuutissarsiummik ilinniartoq isumaqatigiissutit atuuttut naapertorlugit akissarsiaqar-sinnaatitaavoq, ilinniartuunersiallu pillugit Inatsisartut peqqussutaat naapertorlugu immikkut tapisiaqarsinnaatitaalluni. Sungiusarluni suliffik ataatsimoorluni isumaqatigiissusorsimaner-mut ilaanngippat, ilinniartoq minnerpaamik pisortatigoortumik sulisitsisumi isumaqatigiissu-tegarsimanermut ilaasumi ilinniartutut, akissarsiamigut atorfinittermigullu atugassaqaqtin-neqassaaq.

*Imm.* 2. Naalakkersuisut aalajangersinnaavaat, tassungalu ilaattillugu malittarisassiorsin-naallugu, ilinniartup inuutissarsiummik ilinniarnini tamaat ilaaluunniit, akissarsiaqarnermut paaraallugu ilinniartuunersiaqaatigissagaa.

**§ 51.** Piffissami isumaqatigiissuteqarfiusumi aalajangersakkat, ataatsimoorussamik isumaqatigiissuteqarnikkut imaluunniit inatsisitigut sulisut atorfinittarerinut sulinermilu atugarisas-saannut il.il. aalajangersarneqarsimasut atuutissapput, Inatsisartut inatsisaat manna naapertorlugu ilinniakkamut akerliunngikkunik.

*Imm. 2.* Sulisitsisup qaqtiguuissumik ilinniartoq ilinniarnissamik siunertaqanngikkaluamik suliakkersinnaavaa, aatsaallu taamaaliorsinnaalluni ilinniakkami anguniakkat anguneqarsin-naappata.

**§ 52.** Ilinniartut siusinnerusukkut ilinniarsimanertik sulismanertilluunniit pissutigalugu ilinniakkamut, lærlingitut imaluunniit ilinniartinneqarnissamik isumaqatigiissummi pineqartumut immikkut piginnaasaqareersut, inuutissarsiutinik ilinniarfiup qitiusumik ataatsimiititaliaanit, imaluunniit qitiusumik ilinniarfiup siulersuisuinit isumaqatigiissuteqartoqarneranut atatillugu kingusinnerusukkulluunniit ilinniarnerminnik sivikillisaanneqarnissaannik aalajangiiffiq-neqarsinnaapput.

**§ 53.** Ilinniartoq suliffeqarfillu sungiusarluni sulinerup sivitsornissaanik isumaqatigiissuteqarsinnaapput, ilinniartoq

- 1) napparsimaneq pissutigalugu suliffeqarfimmi ilinniarfissatut piffissaliussap 10 procentia sinnerlugu peqanngissimappat,
- 2) tapertaliussaasumik atuarneq pissutigalugu suliffeqarfimmit peqanngissimappat,
- 3) naartunermut, erninermut meeravissiartaarnermulluunniit atatillugu, tamanna pillugu inatsisit naapertorlugit sulinngiffeqarpat imaluunniit
- 4) pissutsit immikkut ittut pissutigalugit piffissap ilaanna sulasarpat sulinngiffeqarpalluunniit.

*Imm. 2.* Imm. 1 naapertorlugu piffissaq ilinniarfik piffissamik peqanngiffigisimasamit sivis-unerusumik sivitsorneqarpat, isumaqatigiissut aatsaat atuutissaaq, qitiusumik ataatsimiititaliap imaluunniit qitiusumik ilinniarfiup siulersuisusa tamanna akuerippassuk.

*Imm. 3.* Inuutissarsiutinik ilinniarfimmi iinniartup suliffeqarfullu akornanni, piffissaq peqanngiffusoq pissutigalugu imm. 1-imi taaneqartutut sivitsuinissaq isumaqatigiinngis-sutaappat, qitiusumik ataatsimiititaliat, illuatungeriit arlaata qinnuteqarneratigut, piffissaq ilinniarfusoq sivitsorsinnaavaat, ataatsimiititaliap aalajangigaanik sivisussusilerlugu. Ilinni-artunut qitiusumik ilinniarfimmut attuumassuteqartunut atatillugu, naggat siulleq naapertorlugu piffissap ilinniarfiup sivitsornissa, qitiusumik ilinniarfiup siulersuisuinit aalajangerneqas-saaq.

**§ 54.** Pissutsit §§ 52-53-imi taaneqartut saniatigut inuutissarsiutinik ilinniarfiup qitiusumik ataatsimiititaliaa imaluunniit qitiusumik ilinniarfiup siulersuisui, piffissap ilinniarfiup sivikilli-nissaa sivitsornissaaluunniit pillugit aalajangiisinnaapput, taamaaliornissaq immikkut ittunik tunngavissaqarpat.

**§ 55.** Lærlingitut aamma ilinniartinneqarnissamik isumaqatigiissutit isumaqatigiissuteqartu-nit atorunnaarsinneqarsinnaanngillat, taamaattoq tak. § 56.

*Imm. 2.* Sungiusarluni sulinermi qaammatit siullit 3 misiliiffittut isigineqassapput, taassu-malu ingerlanerani illuatungeriit arlaata isumaqatigiissut atorunnaarsissinnaavaa - patsisitali-ingikkaluarluni siumoortumillu nalunaaqqanngikkaluarluni. Ilinniarfimmiinnerit piffissamut misiliiffimmut ilaatinneqassanngillat.

*Imm. 3.* Ilinniartoq § 53, imm. 1-imi taaneqartunik peqquteqarluni sungiusarluni suliffimmi-nit piffissami misiliiffimmi qaammat 1 sinnerlugu peqanngippat, piffissaq misiliiffik peqan-ngiffiup sivisoqataanik sivitsorneqassaaq.

**§ 56.** Isumaqatigiissuteqartut arlaata pisussaaffini annertuumik sumiginarpagit, aappaata isumaqatigiissut atorunnaarsissinnaavaa.

*Imm. 2.* Paasinarsippat isumaqatigiissuteqarnissamut piumasaqaataasoq pingaarutilik eqqun-gitsoq, kingusinnerusukkulluunniit atuukkunnaarpat, illuatungeriit isumaqatigiissummik atorunnaarsitsisinnaapput.

*Imm. 3.* Imm. 1 imaluunniit imm. 2 malillugu atorunnaarsitsineq pissaaq, illuatungeriinni atorunnaarsitsisup atorunnaarsitsinissamut pissutaasumik paasinninneraniit, imaluunniit nalinginnaasumik sissuernikkut paasinnissinnaagluarneraniit qaammatip ataatsip qaangiutinnginerani.

*Imm. 4.* Ilanniartup tapertaliussaasumik atuarnera atorunnaarsitsinermut peqqutigineqarsin-naanngilaq.

**§ 57.** Ilanniartoq ilanniartitsinermiit ilaataitaajunnaarpat, tak. § 48, imaluunniit ilanniartup soraarummeernerit misilitsinnerilluunniit pisariaqartut angusaqarfinginissaannut periarfissani atoreersimappagit, lærlingitut ilanniartinneqarnissamilluunniit isumaqatigiissut atorunnaas-saaq.

**§ 58.** Ilanniartup inuutissarsiutinik ilinniarfimmut attuumassuteqartup suliffeqarfiullu su-ngi-usarluni suliffiusup akornanni isumaqatigiinngissuteqarneq qitiusumik ataatsimiititaliamut saqqummiunneqarsinnaavoq, taannalu isumaqatigiissitsiniassaaq. Illuatungeriit isumaqatigiissinnaanngippata qitiusumik ataatsimiititaliaq aalajangiisinnavaoq.

*Imm. 2.* Ilanniartup qitiusumik ilinniarfimmut attuumassuteqartup suliffeqarfiullu sungiusarluni suliffiusup akornanni isumaqatigiinngissuteqarneq qitiusumik ilinniarfiup siulersuisuinut saqqummiunneqarsinnaavoq, taakkualu isumaqatigiissitsiniassapput. Illuatungeriit isumaqatigiissinnaanngippata qitiusumik ilinniarfiup siulersuisui aalajangiisinnavaoq.

*Imm. 3.* Akissarsiatigut atorfinnermilu atugassarititat, isumaqatigiissut atuuttoq naapertor-lugu aalajangiiffigineqartassapput.

*Imm. 4.* Qitiusumik ataatsimiititaliat imaluunniit qitiusumik ilinniarfinni siulersuisut aalajan-giinerat pillugu taarsiivigitinnissamik piumasaqaataajunnartut taamaallaat eqqartuussivinnit aalajangiiffigineqarsinnaapput.

**§ 59.** Ilanniartut lærlingitut ilanniartinneqarnissamilluunniit isumaqatigiissummut ilaasumik ilinniarfimmiinnerminni sulisilluni ajoquersinnaanermut sillimmasiisarneq pillugu aaqqis-suussinermut, Kalaallit Nunaanni sulisilluni ajoquersinnaanermut isumannaarineq pillugu inatsisip atortulersinneqarneranik peqqussut naapertorlugu sungiusarluni sulinermut atuut-tumut ilaapput.

*Imm. 2.* Ilanniartumut atuaatigalutik sungiusartillutik imaluunniit imm. 1-imi taaneqartut ava-tatigut ilinniarfimmiillutik ajoqusertunut, Kalaallit Nunaanni sulisilluni ajoquersinnaaner-mut isumannaarineq pillugu inatsit assinganik atuutissaaq, suliffimmut assingusuni ilinniart-tisoqartillugu ajoquertoqarsimappat. Ajoquernernut taamaattunut aningaasatigut akisussaaf-fik Namminersorlutik Oqartussaniippoq.

**§ 60.** Naalakkersuisut ilanniartut suliffeqarfiillu inatsisitigut atugassarisaat pillugit malitta-risassanik erseqqinnerusunik aalajangersaasinnaapput.

## Kapitali 9

### *Inuutissarsiutinik ilanniartitsinermut tunngasutigut pikkorissaanerit*

**§ 61.** Aningaasanut inatsimmi aningaasaliissutissatut aalajangunneqartut iluanni, inuutissarsiutinik ilanniartitsinermut tunngasutigut pikkorissaanerni, sulisartunut ilinniagaqanngitsunut ilinniagaqarsimasunullu saaffiginnittuni, suliffissaaleqisut ilanggullugit, angalanernut naju-gaqarnernullu aningaasartuutinut tapiissuteqartoqarsinnaavoq. Peqataasut annerpaamik inuutissarsiutinik ilanniartitsinermut tunngasut iluanni sivikinnerusumik ingerlaqqiffiusumik ilin-niagaqassapput.

*Imm. 2.* Aammattaaq inuutissarsiuini immikkut ittuni siuarsagassatut kissaatigineqartuni, pikkorissarnerut aningaasartuutinut matussutissanik qaavatigut tapiissuteqartoqarsinnaavoq, peqataasunut imm. 1-imi taaneqartunut.

*Imm. 3.* Pikkorissarnerit Kalaallit Nunaanni inuutissarsiuinik imaluunniit qitiusumik ilinniarfinit isumagineqassapput, tamanullu ammasumik neqeroorutigineqassallutik, taamaattoq tak. imm. 4 aamma 5.

*Imm. 4.* Taamaattoq imm. 3-mi aalajangersagaq apeqquaatinngagu inuutissarsiuinik ilinniaritsinermut tunngasutigut pikkorissaanernut, neqerooruteqartartunit allanit neqeroorutigineqartunut tapiissuteqartoqarsinnaavoq, pikkorissarnerit assingusut Kalaallit Nunaanni inuutissarsiuinik qitiusumillu ilinniarfinit neqeroorutigineqanngippata.

*Imm. 5.* Aammattaaq imm. 3-mi aalajangersagaq apeqquaatinngagu, inuit ataasiakkaat pikkorissarnerut, Kalaallit Nunaanni inuutissarsiuinik qitiusumillu ilinniarfinit neqeroorutaangitsunut, peqataanerinut tapiissuteqartoqarsinnaavoq.

*Imm. 6.* Suliffimmi sinniisut pikkorissarnerinik ingerlatsinermut taakkununngaluunniit peqataanermut tapiissuteqartoqarsinnaanngilaq.

**§ 62. Ilinniarfik inuutissarsiuinik ilinniartitsinermut tunngasutigut pikkorissaanernik neqerooruteqartoq peqataanermut akiliisitsisinnaavoq.**

*Imm. 2.* Naalakkersuisut makku pillugit malittarisassat aalajangersinnaavaat: pikkorissaanerit tapiiffiqeqarsinnaasut siunertaat, peqataasut akiliutaat, tapiissutisinissamut piumasaqaatit, tapiissutinik qinnuteqarnermi malittarisassat, tassunga ilanngullugit tapiissutit annertussusaat tunniunneqartarnerilu, tassunga ilanngullugit ullormut akit aalajangersimasut aamma pikkorissaanernut nalinginnaasumik tunaartarisassat.

## **Kapitali 10** *Maalaaruteqarneq*

**§ 63.** Inatsisartut inatsisaat manna naapertorlugu aalajangiinerit pillugit maalaarutit, aalajangiinerup tiguneraniit sapaatip-akunneri 4 qaangiutsinnagit Naalakkersuisunut imaluunniit maalaarfissatut Naalakkersuisut pisinnaatitaannut saqqummiunneqarsinnaapput, taamaattoq tak. § 31, imm. 2, aamma § 58.

*Imm. 2.* Naalakkersuisut maalaarfiusartussat pillugit malittarisassanik aalajangersaasinnaapput, tassunga ilanngullugit maalaarsinnaanermut killiliinerit aamma maalaaruteqarnermi peri-usissat.

## **Kapitali 11** *Atuuttuulersitsinermut, ikaarsaariarnissamut atorunnaarsitsinermullu aalajangersakkat*

**§ 64.** Inatsisartut inatsisaat atuuttilerpoq 1. januar 2011. Ilutigisaanik atorunnaarsinnejarpooq Inuussutissarsiuinut ilinniartitaanerit inuussutissarsiuinullu pikkorissartitsisarnerit pillugit Inatsisartut peqqussutaat nr. 2, ulloq 31. maj 1999-imeersoq aamma Imarsiornermiq ilinniartitaanerit pillugit Inatsisartut peqqussutaanni nr. 7, 11. november 2000-imeersumi kapitali 2.

*Imm. 2.* Malittarisassat Inuussutissarsiuinut ilinniartitaanerit inuussutissarsiuinullu pikkorissartitsisarnerit pillugit Inatsisartut peqqussutaat nr. 2, ulloq 31. maj 1999-imeersoq naapertorlugu aalajangersarneqartut, atuutissapput, Inatsisartut inatsisaat manna Inatsisartulluunniit inatsisaat allat tunngavigalugit taarserneqarnissamik atorunnaarsinnejarnissamilluunniit tungaanut. Taamaattoq Siammasissumik Tunngaviusumik Ilinniartitaanermi (S.T.I.) ilinniartus-

sat tiguneqartarneri pillugit Namminersornerullutik Oqartussat Nalunaarutaat nr. 1, 9. januar 1990-imeersoq atorunnaarsinneqarpoq.

**§ 65.** § 35, imm. 5, forstanderinut, inatsisip matuma atuutilernerani qitiusumik ilinniarfinni atorfeqartunut atuutinngilaq, tak. kapitali 6.

*Namminersorlutik Oqartussat, ulloq xx .xx 2010*

Kuupik Kleist

/

Mimi Karlsen